

趙恭毅公自治官書類集

趙恭毅公自治官書類集卷之

奏疏

謝賜古文淵鑑疏 四十四年三月

爲恭謝

天恩事康熙四十四年三月十四日據代理湖廣提塘
胡應祥領賁到蒙

皇上賜臣古文淵鑑一部臣隨出郭跪迎捧入臣署恭
設香案望闕叩頭謝 恩訖欽惟我

皇上天心濟哲聖學淵宏採百家之英華集千年之著作上自春秋下迄唐宋

御選古文刊訂成書久爲藝苑奇珍

禁廷秘笈矣今蒙

特恩頒賜內外諸臣且以臣之謏劣遠任巖疆並膺

寵錫叩頭祇領之後啓函莊誦首讀

御製序文如雲漢昭回八方普照次讀每篇

御評如星辰經緯萬象皆呈拆奧闡微無義弗剖選詞辨類有美畢收至於雕摹點畫之精工卷帙丹黃之麗

綴誠帝王簡策所未有古今典籍所罕儔者也臣本章
句豈儒草茅陋質雖一知半解亦得之口誦心維而斷
簡殘篇無補於寡聞渺見何意

君恩下逮得窺

內府藏書惟有朝夕捧誦期進知識於衰年傳示子孫
永奉琬琰之世寶已耳臣謹恭疏 奏謝伏乞

皇上睿鑒施行

題麻惠先等誣告陳維邦打死李氏招罪疏 四十

四年三月

爲打死孀母李氏一案緣麻姓有田七斗先年價買與
邦打死孀母李氏一案緣麻姓有田七斗先年價買與
吳處又轉售於陳田雖兩易其主仍屬惠先等佃種維
邦以麻姓租穀未楚即自往田插秧而惠先等赴田攔
阻兩姓爭毆有麻國先被毆不甘即赴城欲告不意伊
母李氏原係久病老嫗適於是日申時病死惠先機乘
國先往縣並無他人入室輒將孀母李氏身屍用棍毆

傷面腿右肋是夜負至維邦門首圖賴打死維邦知覺
亦即赴城控告惠先自知情虧旋即負屍而歸鄰佑魯
聖賜等趕回維邦而麻國先在城間母病死未告奔回
即同惠先等收殮詎惠先謀田未遂先冒伊兄麻漢先
出名控府經縣審結而麻仲先又以維邦背處不與田
契復聽訟棍沈和鈞主使捏詞再控於府行委桃源縣
驗明李氏屍骨係死後白色傷痕并經府縣審明負屍
圖賴主使誣告歷審供認不諱麻惠先除移屍并毀傷
死屍等罪不議外合依誣告人死罪未決律杖一百流

三千里於配所加徒役三年庶仲先於事結後捏詞誣
告依誣告律杖一百流三千里於配所加徒役三年沈
和鈞主寫詞狀誣人死罪合依教唆詞訟與犯人同罪
律杖一百流三千里於配所加徒役三年曾聖賜知情
誘息攔驗周端人從中處和均屬不應應同爭毆起釁
非與私和之陳維邦俱依不應重律各杖八十折責三
十板此案假命誣告與真命不同署縣事常德府通判
高鐸不准和息審詳杖懲應毋庸議理合具 題伏乞
皇上睿鑒勅部議覆施行

奉

旨知道了

題李運先等搶奪劉繼三疏 四十四年三月

爲呈報事該臣看得李運先等俱係耕鑿窮民田土失
收艱於謀食有劉繼三之父劉龍甫積有餘穀運先以
親鄰借糴不允思欲賣田湊銀往外購買某年月日與
黃文先作中文先以牛田兩賣何以過活運先躊躇遂
萌搶殺之念文先亦因乏食正在相商適譚茂生等俱
爲謀食而至亦爲附和是晚運先令姪李煥文文先令
子李閏兒復路遇段福兒等相隨偕往共一十一人同
登龍甫之門空手推門而入並未明火執械傷人各搶

穀二斗四升不等順取木物而散而事主劉繼三竟以
盜刦傷人具報臣隨以李運先等是否真盜併是搶是
刦飭司嚴訊確情究擬并取疎防職名會疏 題叅兵
部議覆在案今歷審各犯堅供是搶非刦詢之事主供
吐無異李運先依搶奪律爲首者杖一百徒三年黃文
先等依爲從律杖九十徒二年半並刺字但李煥文等
俱係伊父叔臨時教合同行與爲從之黃文先所犯皆
有不同可否予以末減免其刺字以廣

皇仁聽部議奪失主劉繼三被搶是真報詞失實合依

不應重律杖八十叔贖已起贓物給還失主未起贓物
照例追賠茲據按察使郎廷棟招解前來臣覆審無異
理合具 題伏乞

皇上睿鑒勅下三法司核擬施行

刑部議 查李煥文等俱係同行搶殺之犯並無定制
字之例應將該撫所請之處無庸議可也奉

旨知道了

題叅署州王令等私挖鉛礦疏
四十四年四月

爲特叅署牧州佐悖

旨婪贓大干 功令仰祈嚴究以肅官箴以靖地方事
竊照康熙四十三年七月內臣准戶部咨開爲循例開
採等事奉

旨開開礦事情甚無益於地方嗣後有請開採者俱着
不准行胡宣等免虞分欽此移咨到臣仰見我

皇上端居

九重之上而明照萬里之外凡在臣民自應恪凜遵行

隨行所屬嚴行飭禁務期杜絕奸宄安輯良民乃署桂
陽州事常寧縣知縣王積真桂陽州州同章錫璋利慾薰
心蔑視法紀於康熙四十五年内王積真商同章錫璋
等擅行採挖挑賣煎鉛積真與錫璋設立月規季規名
目婪取贓銀分股肥已有州民曹爾勝等可審似此悖
背蔑法婪贓害民誠難一日姑容臣正在繕疏糾叅聞
據湖南布政使董昭祚等揭報前來臣謹會叅伏乞
皇上睿鑒勅部將王積真章錫璋革職與有名蠹棍一
併提審究擬以遵 功令庶官民知有法紀而地方永

享息事寧人之福矣

題李若桐殺死楊正邦等二命疏 四十四年四月

爲血孫二命事該臣看得李若桐之殺死楊正邦等二命也緣楊逢春之子物故遺媳陳氏鞠有二子因家貧老幼無依憑媒招贅李若桐在家逢春原與撫孤養老並未計及財禮立約爲憑不意若桐入門未久頓背前議希圖掣婦歸家而陳氏恩戀老幼不改初心竟拂其意若桐自此疑忌愈熾至四十三年八月內若桐往外貿易聞氏生一女於九月十八日挨晚歸家又向婦索銀不遂卽於是夜三更乘衆舁睡若桐持刀刺殺二

子旋又刺傷陳氏迨氏聲喊殺人兇徒卽行逃遁而正
邦與天賜保登時殞命隨經該縣緝獲歷審本犯自認
不諱李若桐合依故殺人斬律監候理合具題伏乞
皇上睿鑒施行

奉

旨李若桐依擬應斬着監候秋後處決

題捕役秦榮卿等誣良爲盜招罪疏 四十四年閏

四月

爲父死家殘泣天密訪事該臣看得清浪衛屬生員毛
天職家被盜刦殺一案經臣將踈防職名會疏 題叅
部覆議處隨行遵照去後茲據按察使郎廷棟審明楊
宗如等十名皆係誣拿拷扳將捕役秦榮卿等審擬招
解前來臣查捕役秦榮卿等既奉差跣緝自應奉公守法
分途訪拿真盜乃不意秦榮卿等同至辰谿縣上中伙
舖造意商謀周國柱遂哄誘楊宗如至彼詢問毛家被

盜事情宗如回言不知榮鄉等非刑吊拷逼勒招扳有
仇之韓無名子等九人爲同夥榮鄉等卽陸續拿獲亦
私加拷打逼勒供招派賍押認分捕起獲而該署州疊
加夾訊俱已畏刑誣服贓之失主不肯妄認假賍隨經
該府審擬誣良由司訊解不特被誣之楊宗如等十人
捨地呼冤供稱捕役誣拿卽轉寃榮鄉等亦供捉拷情
真挽首無辭奈榮鄉等合依將良民誣指爲盜捉拿拷
打不分首從發邊衛充軍律應發邊衛永遠充軍江二
等審未與吊拷囑拔之局但知情不阻應予重杖被誣

之楊宗如等十人均應省釋至署沅州事州同陳憲奉委承
審不惟失察縱捕誣良亦且登夾取供雖未成招定擬
而溺職已甚相應附招 題叅除檄司嚴飭勒緝真盜
務獲審明扣限另結外理合具 題伏乞

皇上睿鑒施行

覆部查取捏稱彭珍石家無次丁各官職名疏四

十四年閏四月

爲真正打死弟命事該臣看得彭珍石威逼戴美玉致
死一案先據該署司據結援例存養詳解到臣經臣親
訊而彭珍石見有親姪彭帝德並非家無次丁與例不
符業經具題嗣准部覆承審各官顯有情弊應令速
行查明題叅到日再議等因臣隨檄行該司遵照查明
詳報去後茲據按察使郎廷棟詳稱彭珍石引例存養
蓋緣鄉愚不曉律例止見伊母彭阿張年老八十平日

止有珍石一子同居膳養而彭帝聰父死倚母別住誤
謂家無次丁阿張聞子問擬克軍連媳發遣年邁失倚
赴縣具詞旋卽哀求地方鄉約張贊伯等到縣具結適
聞查取戶族牌隣之結而阿張遂列寫彭佐等名於結
內呈遞乃該縣不行確查據結詳請該府加結轉詳並
無用財行求等因將張贊伯等照例擬罪并開報各職
名詳覆前來臣查彭珍石引例存養不實承審官既無
受賄情弊其張贊伯頂名代遞結狀應依隣人例徒三
年至配所各責四十板經承彭義徵不行確查稟明亦

照不應重杖革役所有不行查明出結具詳者係前任
長沙縣王某加結轉詳者係原任長沙府知府姜某據
結轉詳者係前署司驛鹽道叅議成某也相應 題覆
聽候部議查軍犯彭珍石已經病故業經據詳咨部合
併聲明臣謹具 題伏乞

皇上睿鑒勅部議覆施行

刑部議 查定例內若將無年老祖父母父母稱有
將有以次成丁者稱無隱匿狗庇出結者將十家長
并兩隣之人徒三年至配所責四十板等語據此張

贊伯等俱照例應徒三年至配所各責四十板不行稟明之經承彭義徵合依不應重杖出結之原任長沙縣知縣王某轉詳之原任長沙府姜某據結轉詳之前署司事糧道成某開列等語查定例內軍流人犯有以次成丁者稱無該管官不行查明出結將所結之官降二級調用轉詳之上司罰俸一年等因奉旨知道了

代郎臬司謝 欽賜世貞堂匾額疏 四十四年五

月

爲

聖恩高厚無涯詳懇代 題恭 謝以抒忱悃事據湖
南按察使郎廷棟詳稱某年月日接得胞兄現任浙江
布政使郎廷極家信內開恭遇

皇上巡幸浙江於四月初五日特蒙

御書世貞堂三字匾額

欽賜原任山東巡撫臣郎永清懸掛祠堂

恩加故舊 光被泉壤胞兄郎廷極謹將

御書敬慎收藏奉爲傳家至寶以故父向任湖南藩司
長沙僑建有祠鈞摹

宸翰着家人資捧前來宣示

皇恩本司聞 命白天感 恩無地恭設香案謹望

闕叩頭謝 恩訖伏念本司已故親父郎永清叨生

聖世仰荷

主知從外吏歷陞藩臬

簡命巡撫山東異數殊恩高深莫並祇緣命限修短未

由報効涓埃臨歿之時惟泣諭本司兄弟黽勉上進各竭忠誠今胞兄廷極見任浙藩本司僞員楚臬方懼君恩之莫報父志之莫酬何期

聖德同天

聖恩似海視河 幸浙胞兄廷極畧循臣子迹

駕之職屢遂瞻 天仰

聖之懷 賞皆出諸 內府

賜盡頒自 天厨非分 寵榮已極人臣之未有而

聖慈追榮故父 親書世貞堂三字 恩綸千秋

世寶非僅本司親父朽骨生春無殊死後易名之
曠典實俾本司兄弟戴

君恩而承父澤當令子子孫孫世守正固之義以圖仰
報

皇上高天厚地之

聖恩於無既耳惟是本司前任朔昌道近在京畿驅馳
王事得以時覲

聖顏今遠任南服報國有心瞻

大無例雖承恩之日胞兄廷極已經覲就行在叩謝

第父被從古罕遇之恩寵榮及存沒本司舉家矜勝感激歡忻除見在敬慎製匾懸掛祠堂合具恭

謝悃忱伏乞本都院俯賜代疏題達下展蟻情上祈睿鑒等因到臣該臣看得湖南按察使郎廷棟詳稱接得胞兄郎廷極家信內開恭遇

皇上巡幸浙江特賜

御書世貞堂三字匾額

欽賜原任巡撫臣郎永清懸掛祠堂胞兄廷極謹將御書敬慎收藏奉爲傳家至寶以故父向任湖南藩司

自治官書

卷三

身同義匪

未懷策堂

長沙舊建有祠鉤摹

宸翰着家人賞捧到長隨即恭設香案望

闕叩頭謝恩伏念父被從古罕遇之

恩寵榮及存歿舉家感激見在製匾懸掛祠堂所有

惓忱詳請代疏題達等因前來相應據詳代

題伏乞

皇上睿鑒施行

謝召試孫侗敦疏 四十四年五月

爲恭謝

天恩事欽惟我

皇上治奏平成德隆覆載 親視河工 臨幸江浙深

仁厚澤臣庶均沾白叟黃童懽呼迎 駕頂祝

萬壽無疆沿途數百里不絕

皇上又加意人才 特諭士子俱赴 行在

御試選取 欽定高下槩令引 見以弘獎勵多士聞

風踴躍僉謂書生榮遇千古難逢茲臣接閱家信而臣

孫生員臣趙侗敦以無知稚子蒙

皇上殊恩 召試 召見併念係微臣之孫詳垂詢問

天語春溫 天顏日霽臣聞信之下感極涕零伏念我

皇上以河工關係重大 神謨聖算脩極周詳今當淮

黃底績猶期善後永圖 躬親相度指授方畧復軫江

浙民生因而問俗省方行慶施惠臣鄉父老子弟盡在

恩波浩蕩之中臣以遠任嚴疆不獲遄趨扈從恭請

聖安犬馬微忱方深瞻恋乃臣孫侗敦一介童蒙茫無

知識上荷

聖主優容憐共幼穉勉其向進使至愚極賤之小子幸
免隕越於

至尊之前高厚

洪慈更出望外臣兄弟父子祖孫世受

國恩涓埃無補清夜自思實感且懼惟有訓戒子孫一
日不忘

君父一日不負 朝廷永矢報稱於萬一耳除望

闕叩頭謝 恩外理合繕疏恭 謝伏祈

皇上睿鑒施行

題陳氏誣指劉邦興爲盜招罪疏

四十四年五月

爲報明事該臣看得後舜臣之被刦殺劉邦興等之被
誣爲盜也蓋緣陳氏以伊夫當夜被殺之時呼認劉回
氏亦照呼劉回遂疑爲劉邦興之刦殺妄令伊伯後智
臣指實姓名具呈隨經差捕拿獲該縣嚴訊而邦興俱
審畏刑至誣扳舜臣之舅向心拔心拔亦拔出伊父劉
騰輝伊舅何子安爲同夥歷經研訊不惟邦興等極口
稱冤詢之牌甲隣佑亦稱邦興等之同爲往看是實卽
陳氏目擊邦興矢口不認亦直供火光之下並未真知

灼見止以疑似之言告知智臣具報況查邦興係後族
切近隣人既欲爲盜豈不塗面改形心叛又係舜臣之
舅亦未必殘忍而至此且賊仗一無起獲是劉邦興等
既經審明非係真盜自應省釋而陳氏誣告之罪實所
難辭陳氏合依誣告人死罪未決者律杖一百流三千
里係婦人照例收贖後智臣所遞報呈止依陳氏口授
照寫又因舜臣被殺慘死情有可原應與捕役人等一
併免議但此案盜情是實除仍飭勒緝真盜獲日另結
外臣謹具 題伏乞

皇上睿鑒勅部議覆施行

皇土和聖陳浩端憂誠行

再題請補本標戰馬疏 四十四年六月

爲循例再懇轉詳俯准 題補戰馬以資馳勦以符營

制事該臣看得臣標援例請添戰馬一案經臣具 題

部覆前任偏撫楊 旣已題裁今所請添增之處無容

議等因臣隨轉飭遵照在案嗣據左右兩營以按照馬

一步九之例尚少馬三十九匹詳請援例添補緣由到

臣當經臣批令確查去後茲據標下左營中軍遊擊林

琦右營遊擊胡璉詳稱前奉部議止查前院 題裁之

原案未經察核馬一步九之舊制今本標兩營現在兵

自治官書 卷三 奏疏 請補本標戰馬 三 題裁之

一千一百九十一名內止有馬兵八十名按數計算尚
少馬三十九匹詳請援照全楚各營通例 題請補添
以符經制馬一丈九之數等因前來臣查楚南雖屬內
地而臣標實爲援勦之營今既據查明援例再請

題補相應據詳具疏 題請仰懇

皇上俯念營兵必需戰馬准照全楚各營通例於臣標
兩營共添補戰馬三十九匹其應增馬匹容各將弁自
行捐買補足庶軍威克壯而援勦有資矣臣謹具

題伏乞

皇上睿鑒勅部議覆施行

奉

旨這補添馬三十九匹着照該撫題請增補

大計違例薦舉寬免罰俸謝恩疏 四十四年六

月

爲恭謝

天恩事竊惟三年大計乃澄叙官方之

鉅典倘所舉非人則上負

聖主激揚至意何以振興吏治鼓勵循良臣於上年同
督臣察核湖南屬員如衡永郴道張仕可龍陽縣調邵
陽縣知縣鍾靈秀藍山縣知縣楊宗仁三員雖於例各
有未協但其居官實蹟允爲臣屬中翹楚臣等再四思

維與其拘率成格自蹈蔽賢之罪寧爲據實上請耳受
造例之愆是以開列卓異眉瀝宸聰部議以張仕可
鍾靈秀楊宗仁各任內有歷俸未滿及未完案件與例
不符不准卓異將薦舉之督撫司道府等官罰俸此固
臣等應得之處分無所辭咎乃蒙我

皇上愛惜人才

聖衷獨斷將張仕可等俱准爲卓異已邀破格

殊恩且併矜臣等愚昧無知俱從寬免罰俸宥過

深仁更施法外是不獨仕可等受

恩最深報稱誠難而臣等並沐

聖慈感愧何極惟有益加勉勵以酬

高厚於萬一耳臣無任悚惶感激之至謹具疏恭

謝伏乞

皇上睿鑒施行

謝胞弟趙申季補授編修疏 四十四年六月

爲恭謝

天恩事康熙四十四年六月二十七日臣接賜部抄內
開吏部題爲補授翰林事一本奉

旨趙申季張逸少俱着授翰林院編修餘依議欽此臣
聞 命之下隨恭設香案望 闕叩頭謝

恩訖又接臣胞弟趙申季家信內稱本年五月十九日
吏部引 見蒙

皇上召至 御前問話奏對畢奉

自治官書 卷三 奏疏 胞弟補編修 三 度定堂

旨交與內閣二十日又蒙

皇上召試 欽命詩題一道賦得圓荷浮小葉五言排
律八韻論理一道雅言詩書執禮交卷掌院恭進

皇上親加閱看 天語褒嘉着畱在翰林院衙門用又奉
諭旨授職小臣重受

聖恩感激有心報稱無地等語臣接閱之際感極涕零
伏念臣以庸才陋質仰荷

主知畀以封疆重任碌碌素餐方深愧懼而臣第卅季
一介書生初任遷江知縣循分守職及三年卽蒙

特恩調取 召見 召試竊慮學業粗疎難免闕越不
謂

聖德優容俯垂獎勵授以編修之職俾得讀書中秘稍
効犬馬微勞風塵末吏一旦膺此殊榮豈特非意所敢
期真屬從來所未有但臣同懷兄弟止有二人本由寒
士進身初無寸長表見並蒙

皇上格外之典非常之數受

恩益重圖報愈難清夜自思跼蹐無措惟有勉竭駑駘
戒勗子弟以不負此心者不負

皇上夙夜匪懈與酬

高厚之恩於萬一已耳臣謹恭疏奏 謝伏乞

皇上睿鑒施行

題段子茂毆死拒捕竊賊羅德疏 四十四年六月

爲黑夜斃盜事該臣看得段子茂之毆死羅德也素無仇隙祇緣子茂於某年月日夜被賊竊割田禾因而每夜查捕至十八日夜三更時分子茂携棍往田適遇羅德帶有刀羅扁担在田偷割子茂聲喊趨趕羅德奔走不及反持扁担拒捕打傷子茂之頭子茂恐罹毒手卽用棍登時互擊致傷羅德太陽額角脊脅後肋等處并喊地衆救援而郭遠與朱老聚等聞聲趨至往視羅德早已倒田畢命子茂邀令郭受泰等將屍移至桅杆坪

示衆歷訊供吐如一委無別情查律載凡盜田野穀麥
者有拒捕依罪人拒捕今羅德寅夜盜割田禾復又持
仗拒捕爲子茂捕獲格殺律稱勿論實屬相符但不應
擅爲移屍段子茂合依地界內有死人不申報官司檢
驗而輒移他處律杖八十郭受泰等爲從例減一等杖
七十均不爲枉茲據按察使郎廷棟招解前來臣覆審
無異臣謹具 題伏乞

皇上睿鑒勅部議覆施行

刑部議

段子茂毆死羅德寅等事勿論但擅行移

屍之處將段子茂應杖八十郭受泰應杖七十等因
奉

旨知道了

夏純伯殺死黃啓祥疏 四十四年六月

爲自日持鎗活活殺死兄命殺傷弟命事該臣看得夏
純伯殺死黃啓祥伊子夏聖先殺傷黃啓富一案緣啓
祥之父身故遣妻盧氏孀居純伯央媒入贅原議撫孤
成人未經數月頓背前議勒氏歸家某年月日純伯與
盧氏索飯口角氏因抱忿奔歸前夫之子黃啓祥家迨
初八日純伯前妾之兄丘耀楚等往勸盧氏并介啓祥
兄弟三人藉以拜年爲由送母歸家詎純伯以盧氏既
去復來仍肆詬詈并破其衣復因盧氏抵觸乃持棍向

毆啓祥弟兄出而救母奪取其棍純伯以棍被奪輒取
手鎗趕殺盧氏趨避後山純伯遂趕出門至田畔刺中
啓祥腋肌當倒田塍之下純伯又復連戳胎膊血盆臂
肚穀道以及致命左右兩肋時啓富見兄被殺旋即奔
救而純伯之子夏聖先亦持鎗刺啓富胎膊腋肌純伯
復戳啓富胎膊後經醫治傷漸平復啓祥受傷深重越
日殞命歷審供認不諱夏純伯除刺傷黃啓富輕罪不
議外查律載凡毆妻前夫之子至死者絞其故殺者以
凡人論今純伯以啓祥救母奪棍輒持手鎗趕至田畔

連刺啟祥七鎗不遺餘力啟祥越宿卽死純伯實有必
殺之心夏純伯合改依故殺者律擬斬監候洵不爲枉
夏榮先雖係後來未經下手然既在場合依餘人律杖
一百折責四十板夏聖先與丘耀楚事發在逃緝獲另
結理合具題伏乞
皇上睿鑒勅下三法司核擬施行

奉

旨夏純伯依擬應斬着監候秋後處決餘依議

報赴嶽告土開署日期疏 四十四年八月

爲恭報微臣開署日期事竊惟南嶽

欽工擇吉於康熙四十四年七月二十八日動土臣先
期前赴衡山率同布政使臣董昭祚暨文武各官祇宿
齋宮屆期告土行禮維時金風初爽甘露方晞朝旭含
暉爐煙散靄

御書寶氣光燭群峯

萬歲嵩呼聲聞嶽頂神人歡忭協應昌期臣卽親督在
事人員帶領匠役修築基址併將採運貯厰物料一齊

自漢書卷三
三
懷身堂
鑿新及時開工仍飭監修官衡州府知府孔興湛按日
程功務期無悞選定埝柱上樑吉辰庶幾經營偕作次
第告成復名山之勝蹟祝

聖壽以無疆臣更當不時赴彼稽查料理俟上樑之日
另疏奏聞外臣於某月日回署理合恭疏題報伏
祈

皇上睿鑒施行

代岳常道武副使謝陞浙江臬司疏 四十四年八

月

爲額請代 題恭謝

天恩事據分守岳常道副使武國楹詳稱國楹至愚極
賤謬登仕籍兢兢自持寸長靡効正慮才不稱職

恩深報淺何當復膺 寵眷授以浙臬之任聞

命自天感激無地雖捐糜頂踵難酬 異數惟有益加
濯磨努力砥礪以仰報

皇恩於萬一耳但犬馬私情無由上達

九重合無仰懇本都院俯念微誠特賜援例代

題俾下惻得以

上聞等因到臣該臣看得岳常道副使武國楹奉

旨陞補浙江按察使司按察使茲據該道詳稱才不稱

職復膺寵眷授以浙臬之任聞

命自天感激無地但犬馬私情無由上達詳請代

題前來相應據詳代題伏乞

皇上睿鑒施行

題譚天如毆死無服族人譚爾祿招四十四年八

月

爲打死夫命事該臣看得譚天如與毆死譚爾祿乃同
族無服兄弟也緣有公共祖山蓄禁杉樹某年月日天
如同譚君命等入山砍伐爾祿外蹄開知卽同伊男官
保強欲扛移所砍之樹彼此口角適天如持鋤整路遂
以鋤柄擊傷爾祿左耳輪爾祿向前趕毆天如復張鋤
口毆傷爾祿致命偏左一下次日殞命先據府縣按依
小功服制審擬決斬杖罪解司隨經該司究明譚天如

與譚爾祿雖係同族兄弟原屬五服已盡改擬招解研
訊供認不諱譚天如合依同姓親屬相毆至死者並以
凡人論鬪殺者殺律應擬絞監候譚秀如等在場不行勸
阻依不應重杖折責條均省釋其未經審出服制錯擬
斬罪立決者係原署寶慶府事本府同知王某也相應
附叅再譚憲卿錯供服制混替供單但年逾八十毋庸
議擬茲據按察使卽廷棟招解前來臣覆親訊無異理
合具 題伏乞

皇上睿鑒勅下三法司核擬施行

奉

旨譚天如依擬應絞着監候秋後處決餘依議

請湖廣鄉試南北分卷疏 月十四年十月

爲請均楚省鄉試南北額數俯允具題以廣

皇仁事該臣看得湖廣幅員遼闊苗蠻雜處於康熙六年題請分轄南北惟有三年大比湖南士子仍歸湖北考試第近科以來自康熙二十三年甲子科至四十一年壬午科湖廣鄉試中額不等湖南總不及四分之一或僅逾十分之三內已卯壬午兩科俱蒙

皇恩加額而湖南取中之數反減於前今四十四年乙

酉科又遇

恩詔廣額之年士子感激自奮志功觀光臣復遍飭地方官敦促赴試學臣亦廣加收錄今年應試生儒較往歲更多及至榜發湖南中式者仍不及四分之一查湖南各屬半處山陬加以洞庭險隔應試之跋涉倍難而入彀之英材甚少以致賓興

盛典獨歎向隅此生員王元復等所以連名環顧有分卷之請也茲據布政使董昭祚具詳前來臣伏念我皇上振興文教八表同風愛惜人才一長必採凡懷鉛扶策之士無不踴躍功名以期登進卽就湖南而論如

史冊所載名儒鉅卿事業文章卓然可紀指不勝屈而
家絃戶誦多士蔚興則未有今日之盛者臣仰體
皇上立賢無方之意目擊士子感

恩向進之忱不敢墜於

上聞是以據情入告但分開事屬創始固難輕議至
於分卷之說按查科場條例如順天鄉試有且字等號
陝西省鄉試有丁字聿字號皆爲邊遠地方而設今湖
廣省之湖南亦屬邊遠似可援例而行庶使人知進取
有額並將鼓舞爭趨茲據諸生呈請併該司議詳俱稱

兩湖州縣畧同人才亦復相將中額自應均分然
聖明在上洞照萬里事無鉅細一經

膚裁普天悅服非臣等愚昧所敢妄爲置議也臣謹會
題伏乞

皇上睿鑒施行

題報會審謀兵疏 日十四年十月

爲微臣遵

旨會審事 竊恭陳下悃仰祈

聖鑒事 竊惟謀兵一案前督臣喻成龍未將各營官鞠審
明白輒以並不知情具 題蒙奉

嚴諭議處革職臣前列名會疏亦應照例處分正在悚
惶待罪乃蒙

聖慈寬宥不加譴責仍令

欽差同臣會審感激

天恩寃愧且懼伏念臣從前愚昧循例畫題臣之罪也
今

皇上寬臣之罪復命會審若再稍懷瞻徇隱匿情節上
欺

君父臣罪益深是以不避嫌怨謹同

欽差臣詳審窮究據寃上聞我

皇上乾斷照臨無微弗燭臣等奉法從事總難逃於

聖明之洞鑒也所有微臣會審事竣緣由理合恭疏

題報伏祈 睿鑒施行

恭署欽差總督李牧劣蹟疏目十四年十月
爲特咨署令縱竄私派殃民以遵

功令事竊臣至愚極陋荷

皇上不次殊恩畀以封疆重寄康熙四十二年二月
內臣趙卬行在蒙

皇上軫念湖南地方介在邊遠向來官吏積習相沿特
沛

綸音諭臣嚴飭大小屬員力戒加耗盡革私徵以甦
民困煌煌

天語下達湖湘窮簷僻壤無不焚香頂祝重慶更生臣
欽齋

聖諭勒碑傳檄殫心奉行更於接見屬員諄諄告誡務
期力除陋弊休養黎元以不負

皇上委任撫綏至意又恐地方遼濶或有陽奉陰違刊
發告示遍諭周知將現年里長單頭歇家名目嚴加禁
革庶幾蠹弊不生間閭無擾共鼓歌於 堯天舜日之
下乃有靖州以知縣管理州事李某委署綏寧縣事抗
違

功令縱蠲殃民仍立現年親法疊派於本年二月內聽
蠲庫吏龍曉輝等指稱掣庫通縣每畝派銀三厘五毫
九絲五月內又指稱冊費通縣每畝派銀一厘四毫四
絲零各委馳入已民怨沸騰臣訪聞既確隨據湖南布
政使董昭祚等揭報前來與臣訪聞無異似此劣員遣
旨私派所當特疏糾叅請

旨革職併有名蠲後一併嚴提究擬以彰

國法而除民害者也臣謹具 題伏乞

皇上睿鑒施行

題叅監生熊某疏

四十四年十一月

爲剪除訟棍以安民生以戢刁風事該臣看得刁俗莫如健訟律法尤治教凌湖南地僻民頑習氣悍凡遇小嫌細故輒敢駕虛詞專以越訴逞能惟知叠控爭勝臣自蒞任以來仰體

皇上化民無訟至意屢經出示曉諭勸令懲忿息爭各安生業每當放告之期收閱閭閻民詞不下數百紙止擇情節重大近似真實者准其數件餘皆據事批駁嚴切戒飭其審明誣告之人卽按律反坐雖奸偽稍知儆

惕而許訟仍自紛煩因密加察訪知有無賴棍徒名曰
訟師以包攬爲長技以刀筆作生涯蚩蚩愚氓一墮術
中百端指使曲直任其顛倒起滅聽其主張生事害民
莫此爲甚隨檄飭各屬查拿茲據按察使郎廷棟詳稱
有訟師張某即張某潛住長沙刁詞害衆如熊某
誣告大功兄長熊某一案該犯得受熊某賄銀三十兩
包告包審并起出狀稿三十二紙確據等情詳請具
題前來臣思訟棍一日不除刁風一日不息張某唆
訟婪贓大千嚴例查熊某係俊秀捐監雖於告兄案內

經臣咨部覈革尚未准有部覆相應據詳 題忝請

旨將熊某革去監生與訟棍張某一併究擬以儆刁

健臣謹具 題伏乞

皇上睿鑒施行

奉

旨熊某着革去監生并訟棍張某該撫嚴拿究擬具奏

該部知道

奏為恭報微臣回署日期事竊照南嶽

爲恭報微臣回署日期事竊照南嶽

欽工擇吉於康熙四十四年二月初三日上樑維時香
蒿林繡雲籠巘岫禎祥協應山嶽騰輝皆由我

皇上至德化神

聖心貞固是以百靈効順萬福來同在事員役莫不踴
躍趨踰臣復親加董率務期早竣

欽工增七十二峯之名勝

皇圖並嶽崇高輦億千萬載之鴻基

自治官書卷三奏疏 報赴嶽上樑

聖壽同天悠久俟工成之日另疏奏 聞外臣於十二
月初八日回抵長沙府駐劄衙門理合恭疏 題報伏
乞

皇上睿鑒施行

趙謝安邦毆死繼父罪案疏 四十四年十二月

為奏填兄命事該臣看得謝安邦毆死繼父湯開章一案據按察司以屍傷未經確檢該府縣審擬及坐招解呈詳到臣經臣批飭確檢究審招解前來臣查謝安邦之母譚氏先因夫故子幼招贅開章二十餘年前夫之子謝安邦謝定國同居分爨並無嫌隙後安邦因開章搥戲伊妻王氏適彼撞遇致父子生嫌開章亦覺不安挈子湯有心出居於外雖常往來並未與安邦親面至康熙四十四年十二月二十九日開章以安邦出外貿易

未見歸家度歲不意安邦旋亦回歸見面之時兩相詈罵安邦遂拾柴棍擊傷開章腮頰開章驚喊撞頭安邦復擊開章後脇譚氏聞聲下樓奔救開章已經倒地迨謝定國回家扶負上樓是夜殞命維時譚氏令子有心報知伊叔湯開佑偕姪湯有鼎登門問故而譚氏遂爲子隱扶同捏稱毒死并囑有心與日同詞開佑叔姪以機暗未經看明投告地方安邦匆匆收殮開佑具控甯縣知縣吳祥生不行准理至控府批查後始行通詳飭查該府縣以屍傷未檢審擬反坐該司詳請飭檢是

毆非尋歷經研訊該犯直認不諱謝安邦合依毆死繼
父者斬監候律應斬監候秋後處決譚氏應照夫爲人
所殺而妻私和者律杖一百徒三年係婦人照例折贖
湯有心應照父母爲人所殺而子孫私和者律杖一百
徒三年謝定國係安邦胞兄得相客隱相應免議臣謹
具題伏乞

皇上睿鑒勅下三法司核擬施行

奉

旨謝安邦依擬應斬着監候秋後處決餘依議

平清二衛屯糧請照則徵銀疏 同十四年十二月

為衛糧徵米重累懇賜請 題照 本朝全書則例起

徵條銀以甦民困事該臣看得清浪平溪二衛屯糧米
石請改徵銀一案先經前撫臣楊鳳起會疏具

題部覆照依現在全書則例徵銀已久應將所請之處

毋庸議等因欽遵在案茲據清浪衛守備席嘉興平溪

衛守備吳丕烈各詳請 題達前來臣查清浪平溪二

衛屯田先年原無徵米之例祇緣順治十六年設站應

差暫徵本色以供夫馬糧料此不過一時之權宜原非

自治官書 卷三 奏疏 平清衛米請 臣 懷麓堂

全書之定額及後糧料已於驛庫支領而屯糧猶沿徵米屯民僻處山隅挑運赴城交倉勞費加倍况查二衛屯糧歷年奏銷報部俱後奉文變價起解第與其變價於徵米之後不若改徵條銀以符刊定之全書伏念我

皇上德隆覆載明並照臨遠方疾苦尤歷

宸衷臣以非才濫膺撫綏重寄深悉屯民納米之苦累

曷敢壅於上聞再查四十五年米石已蒙

上諭蠲免但屯民恐將來沿舊徵米相應據詳

題請洪恩出自

聖裁倘蒙 俞允照依 本朝欽定全書則例仍復改
徵條銀則邊衛窮黎永戴

聖主浩蕩之深仁無既矣臣謹會 題伏乞
皇上睿鑒施行

謝蠲免四十五年錢糧疏 四十五年正月

爲

聖主恩施特沛羣生感戴難名謹達輿情恭陳謝悃事
欽惟我

皇上至仁如天保民君子 御極以來宵旰憂勤時以
民生爲念當茲四海昇平萬方樂利猶惓惓於已饑已
溺之慮久安長治之圖蠲賑頻施 恩膏溥沛普天率
土億萬生靈耕田鑿井鼓腹含哺無一非

聖心所休養 聖德所涵濡也楚省介居江表湖南更

屬荒徼仰荷

皇仁登之祗席自康熙二十五年至三十九年蠲免錢糧已非一次又蒙 諭旨力減加耗盡革私徵閭閻益安樂土今復 特渙恩綸將康熙四十五年地丁銀米一槩免徵舊欠未完並停輸納臣接准部咨即欽遵出示併檄藩閫二司通行闔屬遍爲曉諭一時傳布萬姓歡呼僉稱生逢 盛世屢沐

皇恩覆載隆施生民未有惟有戶戶焚香人人頂祝願我

聖天子萬壽無疆永錫太平之福茲據布政使董昭祚
都使司郭大受呈據長衡郴靖等七府二州岳州等七
衛紳士軍民合詞公額 題謝臣不敢不據實

上聞再照湖南紳士軍民荷蒙

皇恩蠲免感戴情切急請代 題臣不敢拘沿成例壅
拂民情是以於封卹期內具疏用卹 上聞合併聲明

題蘇大用拐賣江裕先家僕照新例擬罪疏 四十

五年正月

爲打死父命事該臣看得蘇大用捏告伊父被毆身死一案緣江裕先有姪江公侯染患癰瘋延大用調治往來其家大用見裕先家僕興祿遂萌拐帶之心計誘興祿欲賣興祿不從大用輒加毆打適李時林同在大用之家興祿泣懇拐賣情由并付烟袋一枚俛其報知伊主時林未及卽往而大用遂將興祿帶至江右賣與宜春縣民張伯侯家爲僕迨時林等經過裕先之門始執

烟袋報知裕先聞信卽偕姪江平頭往縣鳴官值署令
回劉歸家已晚途遇王佳士邀爲同伴裕先授明甲長
黎明生同至大用之家佳士平頭在外等候裕先入室
與大用款叙作別大用送至江洲裕先始詰以拐賣情
由大用反肆嚷詈互相扭鬧時大用之父蘇旭光久病
卧床聞聲驚起跌傷左肋大用之子蘇紹博聲言驚死
伊祖乃以帶拴裕先大用咬其手指掙脫奔歸裕先遂
扭紹博往縣旭光見伊孫被執遂命大用扛伊赴縣詎
云受傷異圖抵賴詎至中途旭光病發身死以致大用

捏以打死父命具控歷審自認不諱蘇大用除誣告江
裕先輕罪不議外合依凡携取婦人子女典賣不分良
人奴婢已賣未賣但誘取者被誘之人若不知情將爲
首者擬絞例應擬絞監候蘇紹博誣稱驚死伊祖以帶
拴縛裕先裕先私扭紹博赴縣均屬不應各依不應重
律杖八十折責三十板江興祿不知被拐情由買主張
伯侯中証劉郁萬俱不知情應毋庸議其身價銀九兩
應於蘇大用名下照追給主江興祿付江裕先領回餘
審無干均行省釋理合具題伏乞

皇上睿鑒施行

奉

旨蘇大用袞擬應絛着監候秋後處決餘依議

題覆部駁馮允祥毆死蕭君奇疏 四十五年二月

爲報明事臣查馮允祥毆死蕭君奇一案先經臣審擬
絞罪杖徒具 題嗣准部覆凡稱誣告必架捏虛詞具
告到官方謂誣告今馮允祥因伊主不顧飯食妄扳並
非具呈誣告且所擬之罪與律不符不便遽結應令再
加詳審確擬具題到日再議等因臣檄行按察使卽延
棟招解前來臣覆視訊除供單送部外該臣看得馮允
祥之毆死蕭君奇也緣君奇潛入允祥室內拉伊妻陳
氏之被氏卽叫喊允祥驚起擒毆君奇脇肋等處畢命

同脫逃之馮加忠將屍擡掛樹上當有李爾壽劉芳昇
目擊移屍歷審供認不諱迨臣親訊允祥改供君奇因
姦主母致死隨行提馮錦確究而允祥供係主不顧飯
食誣扳故照子孫誣告律議擬茲准部議調非具呈誣
告卽覆訊允祥供吐與前無異遵照改正馮允祥合依
已就拘執而擅殺致死律杖徒李爾壽劉芳昇目擊移
屍不首應與前已審確率報縊死之戶甲馮惟生等俱
予不應重杖在逃之加忠獲日另結再查律有凡因在
禁誣指者以誣告論之條馮允祥旣誣主母姦情復扳

伊主雖未具呈首告似與誣告相同故前照誣告家長與子孫罪同議擬相應一併聲明理合具疏

題覆伏乞

皇上睿鑒勅部議覆施行

刑部議 馮允祥依夜無故入人家已就拘執而擅殺者應杖徒移屍不首之李爾壽并錯報蕭君奇結死之馮惟生等俱應杖八十脫逃之馮加忠獲日另結奉

旨知道了

題劉招鳳毆死胞兄劉子善甯養疏 四十五年二

月

爲打死人命事該臣看得劉招鳳與已死劉子善乃同胞兄弟招鳳幼繼親叔劉官生爲嗣緣祖遺荒田半畝原屬子善之業官生墾熟多年子善爭耕官生不與子善於某年月日恃強割禾官生阻罵子善舉手相向官生推子善仰跌硬傷後左肋子善拾棍還毆招鳳奔救官生已被打傷招鳳卽奔棍還擊子善頂心倒地是晚殞命歷審供認不諱劉招鳳合依弟妹毆同胞兄弟姊死

者斬律應擬斬立決劉官生以叔毆姪依律勿論所爭之田斷給予善家屬管業再照劉招鳳毆死胞兄罪有應得但因于善持棍毆叔救父情切致傷兄命而伊生母張氏年逾七十僅生二子于善雖有遺雛年甫三歲招鳳出繼官生尚無所出一子既死一子擬抵必致瞻養無人官生夫妻俱逾六旬必致絕嗣卽于善三歲之子撫育無倚情實可矜茲據按察使卽廷棟查明卽耳各結前來詳請照例枷責准其出養相應附疏上請應否伏候

聖裁除將各結題例送部外臣謹具 題伏乞

皇上睿鑒勅下三法司核覆施行

刑部議 查律內並無弟毆死胞兄准其畱養之條
應將該撫所請劉招鳳存畱養親之處毋庸議奉
旨這事情着九卿詹事科道會議具奏

九卿等衙門會議 查劉招鳳因伊兄劉子善持棍
將伊繼父劉官生打傷招鳳情急奪棍還擊情由救
繼父所致且該撫既稱劉招鳳生母張氏年逾七十
子善雖有遺孀年甫三歲招鳳又無所出一子既死

一子擬抵實係瞻養無人必致絕嗣情有可憫應將
劉招鳳免死照例枷號兩個月責四十板雜其畱養
可也奉

旨依議

題江陳秀誣告孫三保打死父命擬罪杖贖疏

十五年三月

爲打死夫命事。額懇驗填事。該臣看得江陳秀誣告孫三保打死伊父江明生一案。緣明生於某日私挖孫三保田水。當被撞遇。彼此扭結。而三保咬其手指。隨經彭茂祿及三保之兄蘭保。即時勸散。明生奔投阡長唐仕奇。陳秀偕婦黃氏捏詞控縣。批發典史着令三保調治。不意明生旋患毒痢病症。陳秀母子藉口打傷。將明生扶至三保之家醫護。不痊。於閏四月初九日病故而明

生妻弟黃啓榮與圖詐索主唆陳秀母子以人命具控
又恐檢無傷痕用手入棺將明生左肋骨梢行折傷復
賄仵作羅三瑩捏報紫紅色鄧縣知縣陳敬求不能察
出真情致將孫三保擬絞招解該司以供吐游移具詳
隨改委永明縣知縣沈魯成前往覆檢而該縣亦未詳
察聽仵作劉子玉扶同捏報仍照原擬轉詳嗣據該司
以供情不符碍難定案詳請委員公同覆檢臣隨飭委
善化縣知縣章成安化縣知縣祖彰會同檢審據該二
縣公同檢出斷損肋骨俱係白色實係死後傷痕并究

出黃啟榮主唆誣告折傷屍骨及羅三莖受賄捏報各
實情歷審供認不諱江陳秀合依誣輕爲重至死未決
律杖一百流三千里查本犯年止一十五歲照律收贖
黃啟榮除折傷屍骨及行賄件作輕罪不議外應照教
唆詞訟誣告人者與犯人同罪律杖一百流三千里件
作羅三莖受賄妄報致誣孫三保擬抵應革役照故入
人罪增笞至死未決律杖一百徒一年半除孫三保應
得笞罪三十外該犯應杖一百七十徒一年半至配所
折責四十板剩杖七十照例收贖劉子玉已經病故黃

民罪坐伊男均毋庸議孫三保咬破明生手指合依手足閉毆成傷律笞三十折責十板餘均省釋羅三瑩先得銀六錢并黃啟榮已許未交銀四兩照追入官其原檢錯擬絞抵之承審官係鄧縣丁憂知縣陳敬求覆檢錯審之承審官係永明縣知縣沈曾成也相應附叅再查定例人命之事檢屍毋得三檢違例則有處分但此案兩檢傷痕與原報互異匪審供情愈覺不符臣以事關絞抵重情誠恐據再檢定案或致冤及無辜有負皇上慎重民命至意是以不避處分據詳准委三檢如

得死後傷痕其違例之咎可否邀免聽候部議臣謹具
題伏乞

皇上睿鑒施行

刑部議 江陳秀依擬應流收贖黃啓榮依擬應流
黃氏應毋庸議羅三臺依擬杖徒銀追入官再該撫
疏稱原檢錯擬絞罪及覆檢錯擬之承審官相應附
叅查定例將軍流等罪擬斬絞者降三級調用應將
陳敬求沈魯成降三級調用再該撫因傷痕互異恐
冤無辜是以不避處分准委三檢始得死後傷痕應

毋庸議奉

旨依議

題秦子富誅死戴起隆招罪疏 四十五年三月

爲報明事該臣看得秦子富與被誅身死之戴起隆俱係潯浦縣民同井而居素相往來緣起隆之妻李氏偶患心氣延請子富醫治因而通姦日久子富以衆人耳目行走不便乃於某年某月內計誘起隆挈眷搬移前往寧鄉佃耕子富亦携妻先秀同往因寧邑佃耕未就延至八月內復誘往新化寄宿於袁明忠家子富欲圖李氏爲妻遂有必殺起隆之心欲與李氏商謀恐致敗露子富誘李氏先秀前行自與起隆在後道經安化縣

所屬之李家山僻野無人子富乘起隆坐地吃烟卽持扁担狼擊起隆偏右登時斃命拖屍潛藏山內以爲形跡俱滅後尼追李氏偕行氏問起隆何以不至子富誑稱起隆在後行至漆樹坪李氏坐候其來適袁文遠入山搬板驚見血跡告諸袁明忠同往看視認識係先晚投宿之人卽喊同劉洪晚趕至漆樹坪一併拿獲到官歷訊供認不諱秦子富合依謀殺人造意者斬律應擬斬監候李氏審不知情合依姦夫自殺其夫姦婦雖不知情亦絞律應擬絞監候餘均省釋其秦子富之妻先

秀行令親屬領回理合具題伏乞

皇上俯鑒勅下三法司核擬施行

奉

旨秦子富依擬應斬李氏依擬應絞俱着監候秋後處
決餘依議

叅原任荆同知王侃供吐游移請革知府職銜質

審疏 四十五年三月

爲請

旨事該臣看得本商曹榮裔卽

關告原任荊州府同知王侃徵收稅銀欺隱橫徵一案
先經原任總督喻成龍審擬具題部覆奉

旨據曹榮裔告稱荆關所過木牌甚多每年徵收稅額
殊不相符這事情着趙申喬再行確審并將稅額定議
具奏等因移咨到臣臣卽欽遵逐款嚴訊據王侃供稱

荆關歷有川木收稅並無辰常木植到關及查則例內
止載辰州皮木常德溪木以及四川板木並未載有四
川杉栢拂木斑竹且查原任督臣喻成龍具

題疏內有王侃詳覆李總督之文內有皮木溪木連鼻
除鼻圖量之別歷任各官遵例徵收已久等語訊其何
以不將多收川木加增報部而王侃惟稱到任後止徵
收川木並無皮木溪木到關及詰其逐年徵收何以過
江木稅多寡不一三十七年每根止徵銀一錢二分三
十八年每根即徵銀二錢八分八厘所有多收稅銀作

何者落而王侃任意支離竟無切實口供但事關

國課若聽其飾詞難以定案查王侃係丁憂知府身恃

職官不便嚴訊相應 題叅請

旨將王侃革去知府職銜以便與有名人犯一併質訊
究擬者也臣謹具 題伏乞

皇上睿鑒施行

題鍾老蒲等行劫余若祈家疏 四十五年四月

爲稟報事該臣看得余若祈家被劫一案因獲盜鍾老蒲等真贋未起供吐游移業將承審遲延職名 題叅今真贋追起失主認明歷訊鍾老蒲等僉供起意糾夥者楊元興等同夥行劫者鍾老蒲等共十三人於某年月日夜劉士賢執斧李老二等帶鎗林長興拿口袋餘持垣椿齊至失主門首元興棄椿用板撞門士賢用斧撬門劉國先把風劉瑞卿守路劉世成鎗傷長保劫分贓物各認不諱除未獲盜犯楊元興等五名獲日另結

其林長興等五名俱病故毋庸議擬外鍾老蒲并魯生
合依強盜已行得財不分首從皆斬律應擬斬立決查
失主傷已平復應免梟示劉惟成自行投首並未下手
傷人應照知人欲告自首例減二等杖一百徒三年已
起贓物給主未起各贓變賠禁卒童辰等依律杖徒革
役監斃盜犯劉志生等管獄官係巴陵縣典史鄭敬等
相應附叅伏乞

皇上睿鑒勅下三法司核擬施行

奉

旨鍾老蒲茸魯生俱從寬免死照例減等發與黑龍江
將軍酌量撥給務期嚴押解到餘依議

請免人犯長解疏 以十五年五月

為謹援遞解之例懇免長解之累以廣

皇仁以恤徵役事竊照湖南定例除逃人遞解外其龜
死減等押發黑龍江犯人凡正犯一名地方官僉點有
家產正身差役二名長解遵行已久但湖南僻處邊徼
地方遼闊距京師各四千餘里不等解役往返即有
萬餘里其間行李之費食用之需窮後不能支應勢必
至於掣貼貼費計無從出勢必至於派累而且州縣設
立差役止有此數僉解既多保無缺悞臣輟轉思維誠

有不可不亟圖變通者適接邸抄刑部議覆兩廣總督郭世隆條奏長解之程途遼遠等事一疏嗣後凡粵省起解免死減等盜犯無論名數多寡俱照逃人之例遞解等因奉

旨依議欽遵在案湖南與兩廣接壤臣請嗣後起解免死減等盜犯一體照逃人之例遞解且起解人犯沿途原有護解差役二名卽令逐程遞解自無慮有疎虞將解後既不苦於長途而地方亦可免於派貼荒陬黎庶永戴

仁恩無極矣臣謹具 題伏乞

皇上睿鑒施行

刑部議 查先經兩廣總督郭世隆以免死減等發
往黑龍江之犯不論多寡俱照逃人之例遞解等因
具題臣部覆准在案今該撫既稱湖南與兩廣接壤
應如所題嗣後凡湖南起解免死減等盜犯俱照逃
人例遞解可也奉

旨依議

題盜犯顏公仁等行劫陳嘉先疏 四十五年五月

爲報明事該聖看得客民陳嘉先之被盜也緣已故盜犯顏公仁等又自首謝學臣暨未獲盜首蕭鬚子夥盜朱老二等共一十四人駕小船三隻於某年月日自廖江市開船行至永興適見陳嘉先船內裝有皮箱竹箱於某日夜跟至大溪潭將兩船夾住各舟蕭鬚子鎗傷蕭文先白老晚刀傷陳子茂各盜入船劫貨隨路花銷轉回大堡即取剩賍亂搶而散未經均分歷訊供認不諱除曹爾蘭取供後病故不議外顏公仁白老晚袁子

先吳子中蕭運保賀子太俱合依強盜已行得財不分首從皆斬律應擬斬立決謝學臣並未下手傷人自行出首合依知人欲告自首律減罪二等杖一百徒三年已獲贓物給主朱獲花棄各贓照例追賠逸盜蕭鬍子等嚴緝獲日另結其事主受傷俱已平復至取供後監斃曹爾蘭等管獄官係衡陽縣典史某職名相應附叅至此案夥盜一十四名已獲九名原叅疎防各官例得開復令併聲明統聽部奪茲據按察使郎廷棟招解前來臣覆查無異理合具題伏乞

皇上睿鑒勅下三法司核擬施行

奉

旨曰老晚着卽處斬顏公仁袁子先吳子中蕭運保賀
子太俱從寬照例免死減等發與黑龍江將軍酌量
撥給務期嚴押解到餘依議

特叅永興縣王令濫派疏

四十五年六月

爲特叅縣令違禁濫派以遵 諭旨以肅官方事欽惟
我

皇上軫念蒼生澄清吏治 賜臣 諭旨首革私徵臣

莅任以來凜奉 嚴綸諄諄告誡務期洗滌陋弊繄已

愛民以不負

皇上休養黎元至意乃有郴州永興縣現任知縣王某
者始猶勉爲矯飾繼則頓改節操聽蠹殃民恣行婪派
似此貪劣之員藐違 諭旨私派里通官蠹通同濫派

分肥穢跡昭著民怨沸騰誠難一日姑容貽害地方所
當特疏糾叅請

旨革職併有名蠹役一併嚴提究擬以飭吏治而民生
庶有賴矣臣謹會題伏乞

皇上睿鑒施行

題熊某張某等誣告唆訟招罪疏 四十五年七月
為剪除訟棍以安民生以戢刁風事該臣看得熊某誣
告熊某發掘他人墳塚等款鄔某誣告賀某開棺藏屍
二案皆由訟棍張某唆使先據按察司詳報經臣將張
某唆訟婪賍情由并將監生熊某 題叅奉

旨熊某着革去監生并訟棍張某該撫嚴拿究擬具奏
該部知道欽此臣隨行據按察使鄧廷棟招解前來臣
訊據張某自認包攬誣告熊某一詞得銀五兩包攬鄔
某誣告賀某一詞得銀五兩六錢質之熊某等各認不

請再詰其詞稿三十二張得銀之處據供得受隆其文
等銀布外得李惠遠等銀餘皆年久忘記歷審供認不
諱熊某合依誣告人掘塚見棺律杖一百流二千里鄔
某依誣輕爲重至死未決律杖一百流三千里不加役
張某依教唆詞訟及爲人作詞狀增減情罪誣告人者
與犯人同罪律杖一百流三千里所得各主贓銀照追
入官臣謹具 題伏乞

皇上睿鑒勅部議覆施行

刑部議 熊某鄔某張某俱應僉妻流三千里至配

所杖一百折責四十板贓銀照追入官賀某已於另
衆議罪毋庸議奉

旨知道了

題袁新寔挖墳開棺盜布疏 四十五年七月

爲挖墳毀屍事該臣看得袁新寔乃窮極無賴之徒也
緣同教金起鳳之妻馬氏物故已經埋葬有在逃未獲
同教蘇起鳳疑其有銀殉葬立意盜掘乃邀約新寔同
往於某年月日夜掘墳開棺盜取裹屍布九段交與新
寔染皂次日金起鳳等上墳省視目擊具報典史緝獲
新寔到官歷審供認不諱除主謀在逃之蘇起鳳俟緝
獲究擬外查律載二人共犯有一人在逃現獲者稱逃
者爲首則決其從罪等語袁新寔合依條例發常人塚

開棺見屍爲從者發附近克軍例應發附近克軍茲據
按察使郎廷棟招解前來臣覆審無異理合具

題伏乞

皇上睿鑒勅部議覆施行

奉

旨依議

題袁昆毆死小功服叔袁敬先擬斬監候疏四十

五年七月

爲報明事該臣看得袁昆乃被毆身死袁敬先小功服
姪也同居無怨緣叔姪山界相連某年月日昆砍山柴
敬先以其越界怒批兩掌昆隨逃避詎敬先於某日復
至昆居持棍趕擊昆躲閃背敬先用棍亂戳袁昆情急遂
奔還抵回手一擊誤中敬先致命偏左於某日殞命審
供不諱袁昆合依毆大功以下尊長致死者斬立決律
應擬斬立決再照袁昆毆死小功尊長律以斬決洵不

爲枉惟是該犯因被先趕毆一時情急奪棍還抵誤傷
叔命雖干殺叔之罪初無欲殺之心情實可矜應否改
爲監候以廣

皇仁伏候

睿裁茲據按察使卽廷棟招解前來臣覆核無異理合
具題伏乞

皇上睿鑒勅下三法司核擬施行

奉

旨袁昆着照該撫所題應斬監候欽此欽遵

題曹鼎昌等打死姚之禧等招罪疏

四十五年八

月

爲打死兇命事該臣看得監利縣民姚之禧鍾德生被烏鎗
傷死一案緣生員曹鼎昌劉佑有彭家嶺等廢田畝原
佃閩人周景文陳尔華耕種康熙三十四年三月內之
禧等自監來沅藉名墾荒強牽景文等牛隻并將熟田
占耕景文尔華往懇田主鼎昌等以田被占遂與佃戶
同訴驅逐初九日鼎昌等帶同尔華等前往爭論殊鍾
姚二姓逞兇格鬥景文尔華輒放防虎烏鎗適中之禧

德生血盆骨腋肌等處德生傷重殞命之鱗受傷至十
五日身死景文等相率潛逃鼎昌劉桔以克犯在逃恐
告發拖累時有趙士來者僑居教諭劉洪御衙內原屬
屍親同鄉鼎昌等各出銀七十五兩浼熊雲祥從中說
和交與士來轉給鍾姚二家收領雲祥等復求教官於
知縣處講情原任沅江縣知縣趙贊極不察人命真偽
聽情准息匿不通報迨姚德芳等收銀回籍止給之福
之母姚阿萬銅銀二十八兩致阿萬控府通詳經臣批
司審解其同謀下手行賄私和及過交說情情由各供

認不諱除兇犯周景文等候獲口另結趙士來病故不
議外曹鼎昌劉佶各爲首領人赴關並合依同謀共毆
人因而致死者元謀律各杖一百流三千里至配所各
折責四十板熊雲祥依說事過錢例計贓准竊盜論並
杖八十徒二年至配所折責三十板刑書張必先不行
稟官通報依不應重律杖八十折責三十板革役餘審
無干均行省釋其姚阿萬繳出銅銀二十八兩暫飭貯
庫審明另結其沅江縣知縣趙贊極聽情匿報人命教
諭劉洪御求情容隱均乖職守典史俞廷弼僉差不慎

致令原告姚阿萬等同迯各職名相應一併附叅以聽
部議理合具 題伏乞

皇上睿鑒施行

題李正瑞打死李芳珠招罪疏

四十五年八月

爲急報人命事該臣看得李正瑞與已故李芳珠乃同族無服之兄弟也緣正瑞與李賢芳之妻郭氏苟合當爲李芳開之妻劉氏撞獲執男女二鞋投鳴戶老正瑞亦指劉氏與芳珠有姦鄉約李時拔偏斷劉氏不應拿姦罰銀牽牛劉氏抱忿投繯身死芳開遂同芳珠携繩往拉時板守屍甫至其門正瑞遇而相嚷芳珠卽毆正瑞正瑞拳擊芳珠致命胸膛李華朝亦拳毆其脊背正瑞又繩繫芳珠之頸拉拖倒地復拳毆其胸膛當經搃

四芳開赴縣控告芳珠傷重殞命控縣驗傷通報旋因
沈令調任永明署事梁令勒令原告改供自縊混據李
正喜等捏具自縊公呈詳委原任沈令會審繼復自悖
前詳徑行審訊并差王旺押令原告遁息改供故將正
瑞等從輕擬杖隨經駁審詎沈令徇情附和亦以縊死
率詳該府審出真情由司招解臣覆訊之下其毆斃賄
和說事過錢改供勒息徇情率詳各情由各犯供認不
諱李正瑞合依其毆人以致命傷爲重下手者絞律應
擬絞監候李華朝依餘人律杖一百折責四十板李時

拔雖無主令毆打之情而劉氏自縊實山時拔所致合
依威逼人致死者杖一百律應杖一百折責四十板仍
追埋塋銀十兩給付死者之家李芳開受賄私和合依
私和人命受財以枉法論十兩杖九十無祿人減一等
杖八十折責三十板私和銀一十二兩照追入官李成
珏說事過錢應與受財人同科各杖八十折責三十板
李正喜妄遞公主合依不應重杖其承審之東安縣知
縣梁綸明知芳珠寶由正瑞等拖毆斃命乃押遞和息
并逼勒改供曲法故出殊屬溺職原任嘉禾縣知縣沈

曾成既同會審而乃曉徇情面附和率詳咎亦難辭相應一併附叅以聽部議理合具 題伏乞

皇上睿鑒施行

奉

旨李正瑞依擬應絞着監候秋後處決餘依議

題明臺臣蔡某指叅世好固結疏 四十五年九月
爲謹瀝微忱仰祈

聖鑒事竊臣一介愚賤九載外吏七年田里蒙
恩援擢謬任封疆感激 高原勉圖報稱但臣才識謏
劣涓埃無補而清夜自矢惟知上有

君父下有地方一切交遊故舊盡廢往來卽家人父子
亦不能兼顧如臣子鳳詔遠任太原府知府道路旣遙
音信甚少彼中諸事臣俱不及聞知近閱邸抄見臺臣
蔡某爲

聖主之洞鑒最真學臣之代題可駭謹據寔糾叅以肅
官方事一疏內稱山西學臣鄒某特有代題保番撫臣
一疏查袁某疏內有太原府知府趙鳳詔係巡撫私人
等語士懋旣屬鳳詔同科進士其父申喬又係士懋本
省巡撫彼此世奸綢繆固結今太原士民劉純德保留
焉知非鳳詔之賄囑鄒某冒昧代題又焉知非鳳詔之
請托等語夫長沙距太原數千里臣子鳳詔之有無賄
囑曾否請托臣何敢妄爲置辯惟是臺臣所稱彼此世
奸綢繆固結臣果有此心卽是結黨欺

君之罪狀臣受 恩深重報効無由而敢結黨以欺

聖明則臣卽倖逃於 國法斷難追於天誅但臣子鳳
詔前年揭送李某書函一案久爲衆口所交責蓋李某
與臣同中康熙八年南北榜舉人而某子李某與臣子
鳳詔又同中康熙二十六年南北榜舉人臣子鳳詔既
得罪於同科舉人之父則學臣鄒某亦未必脩好於同
科進士之父且臣子鳳詔既得罪於父之同科舉人臣
又何至再脩好於子之同科進士而臺臣蔡某遽指爲
世好固結果有所風聞耶抑出于揣摩之見乎至臺臣

又謂臣係鄒某本省巡撫彼此綢繆臣年力已衰來日
苦短宦情既淡交情甚疎况臣駐劄湖南長沙鄒某籍
係湖北麻城相去幾二千里臣子與鄒某雖屬同科進
士臣與鄒某實未謀面若以本省巡撫卽有綢繆則楚省
之仕於內外者頗不乏人如其一言一事卽歸罪本省
之巡撫則巡撫豈能盡約束本省之仕宦而臺臣蔡珍
遽指爲彼此綢繆果有所風聞耶抑出於揣摩之見乎
臺臣職司言路凡有風聞固宜入告而揣摩之語似
不應上達

宸聰總之臣本庸材濫膺逾格一家俱邀非常之

恩福過每虞意外之咎除臣子夙詔聽候察實處分外
伏乞

皇上俯鑒微忱將臣亟賜罷斥俾孤子不爲仕路所不
容而林泉永載

聖慈於罔極矣爲此披瀝冒懇伏乞

皇上睿鑒施行

奉

旨這事情自有定議趙申喬何必奏辯

叅長沙協宋脩搬運王倉山石疏 四十五年九月

爲飭行查勘事該臣看得守脩一官有整飭行伍訓練士卒之責乃長沙城守營守脩宋某署理都司事務因建造堂廈修築園池竟將長沙屬之王倉舊基山石擅役兵丁打擡回宅堆砌假山臣既有訪聞因飭長沙府同知王景曾傳長善二縣服同路看據同知回稱詢據牌頭斗級僉供宋守脩兵丁赴倉搬運山石是真又率同兩縣親至園內驗看不特假山堆砌累累卽官磚園繞花臺亦復約有數千該脩自稱山石實係搬之王倉

兵丁王佛生等亦自認不諱隨檄長沙府知府崔岱齊
會同長沙協副將高一靖查審而該府以與宋某誼關
姻親具詳廻避隨卽檄令該同知王景曾會同該副將
高一靖審取各供茲據會詳稱宋某搬取王倉山石牌
頭宋之秀斗級樊奇兵丁李二成等俱供扛擡洵屬情
真卽宋某亦自認私役兵丁則該脩縱極園池之樂廢
弛營伍之規以山石而役衆兵爲私家而忘軍令殊屬
溺職併據該副將高一清揭報前來相應 題叅請
旨勅部嚴加處分併有名各兵一併提究以懲頑弁庶

法紀昭而防守有賴矣至長沙縣知縣杜某職司守土漫不稽查亦屬不合相應附叅聽候部議臣謹會

題伏乞

皇上睿鑒施行

兵部議 應將守脩朱旭照例革職交與該督審擬至長沙副將高一靖將伊標中軍守脩朱旭平日不行嚴束以致廢弛營伍又明知役令兵丁搬取山石並不揭報及經該撫察出始隨文職具揭應將副將高一靖照例降三級調用查高一靖已陞陝西興漢

總兵應仍於副將任內降三級調用又該撫疏稱長
沙縣知縣杜李寅漫不覺察相應附叅等語查定例
官員庫內物件不行固貯以致偷盜者降一級調用
罰俸一年應將杜李寅照此例降一級調用罰俸一
年奉

旨高一靖免降三級調用餘依議

題叅善化縣違例處斬盜犯黃啟祥監斬官職名

疏 四十五年九月

爲大盜刦掠事該臣看得盜犯黃啟祥奉

旨着卽處斬臣隨檄司查明齋戒日期處斬具報嗣據

該護司驗報遵於五月二十九日午時處斬等因臣查

新例內開五月內交六月節者卽行正法重犯亦停其

正法今五月二十八日已交六月小暑節其處斬日期

於例有悖經臣駁查去後茲據按察使卽廷棟詳據長

沙府詳稱查卑府於本年五月二十九日接奉檄行因

自治官署 卷三 奏疏 叅違例處斬 三 裏衣堂

係立決盜犯不敢稽遲遵卽轉行寔非有心速決并據
善化縣詳稱六月停刑雖知 定例但五月交六月節
續增之例原係不諳並非有心速決等因具詳前來臣
查黃啟祥處決日期寔屬違 例其監斬各官均難辭
咎所有違 例處決文職監斬官係善化縣知縣章成
武職監斬官係長沙協千總陳宗茂也相應一併

題叅再千總陳宗茂係准善化縣移會監斬應否邀免

臣謹具 題伏乞

皇上睿鑒施行

題趙靖七搢死劉慶保招罪疏 四十五年十月

爲哭寃男命事該臣看得趙靖七之搢死劉慶保也素無仇怨緣慶保從學於周作梅處書房後菌與靖七住居相通其妻劉氏因與作梅通姦當爲慶保窺破後作梅命慶保向劉氏索茶劉氏不理慶保遂以先生枉與相厚之語戲謔氏怒潑以米湯後拿撥火棍擊其右肋右腿慶保奔出放聲大罵氏卽趕拉慶保適靖七亦至遂拳毆慶保肩并慶保詈罵不已靖七惡其揚妻醜行頓起殺机乃以手搢慶保咽喉登時氣絕劉氏卽解其

腰帶同靖七將屍繫頸掛於厠邊竹上假爲自縊作梅以慶保有去久令趙嗣商尋覓見其繫於竹上隨奔告作梅而作梅卽令梅芳南趕報其父時劉乾生夫妻奔至雖見慶保有傷寃不知爲誰所致當經周必先等賒棺收殮靖七心懼以打傷寃情私告周江林免其說和江林主令報官自認地隣捏寫自縊報呈令牌頭周命我具報迨乾生控縣而周必先爲之說和議銀二十八兩八錢先交二十四兩江林又爲乾生作稿令寫遞欄詞該縣未報劉乾生旋以哭寃男命事赴臣具摺臣

隨批司嚴查而該縣混以自縊將劉乾生等照誣告反
坐流徒擬罪詳府該府訊得其情由司招解到臣臣遂
加研訊其劉慶保致死寔情併賄和各情由各犯供認
不諱趙靖七合依故殺者斬監候律應擬斬監候劉氏
合依執持兇器亦有致命傷痕者發邊衛克軍係婦人
決杖一百餘罪收贖仍照通姦例枷號一個月周江林
目鄰作証捏稱慶保縊死合依証佐不言寔情故行誣
証致罪有出入者減罪人罪二等律應杖一百徒三年
件作王起鳳檢驗傷痕混報自縊查件作檢驗不寔因

而罪有增減者以失出入人罪論王起鳳照失出減五等律杖七十徒一年半周作梅合照現行例軍民人等與相等人妻通姦男婦各枷號一個月鞭一百例枷號一個月係民人應責四十板周命我不行查確聽周江林馮通縊死報呈合依不應重律杖八十劉乾生亦應照子孫被殺而父母私和受財者准竊盜論二十兩杖八十律杖八十其私和人命除曹子瑞病故不議外周必先說事過錢應照與受財人同科例杖八十趙二吉合照以財行求與受財人同科例杖八十不在向某

等審未說事過錢均應免議衡山縣刑書周子朗得銀
三兩縣役廖武得銀一兩七錢雖審無嚇詐情弊但因
事受財應照枉法贓一兩以上杖七十無祿人減一等
應杖六十革後再衡山縣知縣吳璉將地方人命不行
通報反聽周江林混稟責打屍親及飭檢審又混稱自
縊反坐屍親誣告擬以流徙并失察衙役犯贓均乖職
守相應附叅至衡州府知府孔興滋先因未經檢傷犯
証狡供致未招擬今已審出真情定擬招解相應聲明
臣謹具 題伏乞

皇上睿鑒施行

奉

旨趙靖七依擬應斬着監候秋後處決餘依議

題李鳳生毆死胞兄李茂生援例免死疏四十五

年十月

爲報明事該臣看得李鳳生與李茂生同胞弟兄某年同往丹州貿易茂生患病鳳生力爲扶持而歸素相和好緣僧清水向借鳳生銀五錢某年月日茂生欲取回鳳生取去兩相爭鬧茂生扭打鳳生不放鳳生回拳毆傷茂生致命左脇茂生復拳毆鳳生鳳生又毆其肚腹倒地當經擡歸茂生原係病軀被傷旋即斃命有李進卿盜名具告又捏族名令子具報將無干之李赤生李

鳳生誣入兇犯經該府縣審解到司該司以鳳生拳打情形尚未跟究切實進卿誣告之罪並未議及駁檄覆審今據審擬招解歷訊供認不諱李鳳生合依弟毆胞兄死者斬律應擬斬立決李進卿擅使戶族公呈命子具報又盜楊氏之名自行控告將無干之李赤生李鳳生告爲打死胞兄兇犯應照告三人以上一人不實者猶以誣告論今茂生審係鳳生一人打死李進卿所告涉虛李赤生李鳳生俱在中途病故照例止坐進卿誣告應得罪名李進卿合依誣告至死減等律杖一百流三

千里至配所加徒役三年李直相聽父指使罪坐其父
應得邀免作劉耀美檢驗得實亦毋庸議至耒陽縣
知縣王賜召衡州府知府孔興滋先經未將李進卿議
罪之處係軍流以下今驗審自行審明改正例得免議
再照李鳳生毆兄致死立斬不枉但查鳳生之毆原因
茂生扭打不放因而還毆茂生又係病軀被毆以致斃
命初無殺兄之心且查鳳生父母俱亡止有兄弟四人
皆無子嗣赤生雖有一子早成廢疾爲僧茂生被毆身
死赤生鳳生中途病故今鳳生又擬斬立決不特李氏

一門絕嗣卽鳳生之父并兄弟骸骨俱難歸土情有可
矜應否援照河南省王子重之例免死枷責以廣

皇仁伏候

聖裁臣謹具 題伏乞

皇上睿鑒勅下三法司核擬施行

刑部議 查律例內並無弟毆胞兄免死減等之條
應將該撫所請李鳳生免死枷責之處毋庸議等因

奉

旨九卿詹事科道會議具奏

九卿等衙門 會議得李茂生李鳳生同往貿易曾
借給僧人清水銀五錢茂生患病意欲取爲藥資而
茂生爭爲已物因而兩相嚷鬧茂生扭打鳳生不放
鳳生情急還毆原無欲殺之心且鳳生父母俱亡兄
弟三人已死且皆無子必致絕嗣應將李鳳生免死
枷號兩個月責四十板餘仍照三法司原擬等因奉
旨依議

題竊盜周德祥等拒捕殺死唐文通招罪疏 四十

五年十一月

爲殺死弟命事該臣看得周德祥等之殺死唐文通也
緣文通兄弟三人船載瓦貨灣泊東安縣涿埠市唐文
達唐文遠曰逐肩挑貨賣止番文通在船看守爲周德
祥探知積有銀錢遂與蔣全會蔣全棟相商偷竊彼時
全棟勸解而散詎德祥竊意未止復又商之於周子善
周天求於某日德祥全會二人窺見文達文遠外出卽
潛入舟中文通尚在睡卧德祥遂抽伊枕邊之錢時文

通驚覺欲喊德祥等恐外聞知卽取伊船菜刀割傷文
通咽喉全會熬其腎子旋即斃命德祥卽取錢四千二
百文藏於衣內跳入水中出河邊而去當將錢二千文
匿於水底餘錢二千二百文給周子善等收藏蔣全會
等取米桶銀包裹入褲腰跳身上岸銀墮入水二犯歸
家自謂無人知覺不意有河邊樓上礮米之郭氏等眼
見二人登舟上岸極其明確迫文達歸船見弟被殺告
官而郭氏等亦將目擊二人之事訴夫稟縣隨經拘獲
二犯歷訊自認不諱周德祥蔣全會合依竊盜臨時拒

議

四十五年 大計卓異疏 四十五年十一月

爲

題明事欽惟我

皇上乾剛離照正百官以正萬民吏治蒸蒸翕然丕變
茲當三年黜陟之期又欽奉 諭旨官員薦舉卓異開
係激勸大典所列事蹟期有實濟於地方百姓開載虛
文無益仰見我

皇上澄叙官方崇獎寔效雖虞廷之三載考績周官之
六計弊吏無以加矣臣至愚極陋荷蒙

聖主隆恩謬任封疆大吏加耗私徵之

聖諭刻刻警心綏輯撫安之

御書時時睇目惟思得人事

君庶幾共襄化理敢不謹凜激勸務使盡職者知所勉而觀感者亦爭自濯磨以無曠厥官是以平時畱心體訪今復詳加稽核除應入八法者另具本恭奏及平常留任者照例不開併上屆卓異銜永郴道叅議張仕可清操益勵治績茂昭但已經薦舉不敢重列外其廉潔自持長才肆應勤敏敷政物望交孚堪膺卓異之選者

臣既深知確見不敢不據寔 上聞以副 大典而致
吏治茲據司道府開報常德府通判高鐸等五員前來
合之臣所見聞無異謹將各官事寔臚列爲我

皇上陳之 計開 卓異官五員 常德府通判高鐸

衡州府桂陽州以知縣管理州事伍士琪 靖州以知

縣管理州事祖彰 郴州學正程玆 永州府永明縣

教諭李俊有 此五員者廉以裨躬才兼邁爰興教化

而風俗還醇修政事而首猶欽迹凜遵 諭旨則陋弊

悉除休養黎元則窮簷起色明倫以興禮讓講藝而遍

絃歌詢屬員之特出允風厲之不誣所當亟爲薦舉遵
照 新例令其隨本引 見以候

聖裁者也又有辰州府知府遲熅持已克廉馭下不擾
邊郡賴以寧謐但歷俸尚淺又長沙府瀏陽縣知縣申
可貞才幹既優政亦修舉而歷俸未滿又永州府祁陽
縣知縣王元臣愷悌宜民勤慎奉法惜係捐還原職以
上三員俱守令中之盡職者臣廉訪旣確併據該司
道府詳報相符附列薦揚以昭鼓勵臣謹具 題伏乞
皇上睿鑒勅下部院議覆施行

四十五年 大計八法各疏 四十五年十一月
爲

題明事竊惟吏治之得失關乎民生之休戚而舉錯不
當則人有倖免之思而相率以趨於巧避之路臣叨簡
拔之 隆恩更領撫綏之

聖訓每於屬員因公進見宣布我

皇上察吏安民至意諄切告誡不啻再三更嚴檄屢飭
期於漸除舊染嘉與自新乃猶執迷不悛及庶事廢弛
者茲當黜陟之期臣固不忍苛索小疵過加責備亦何

敢姑息偏徇貽悞地方茲據司道府等揭報前來與臣訪聞無異除平常畱任不開併卓異者另疏具

題及並無酷員外其有干貪劣等法之會同縣知縣鄧某等三十二員遵例開列通爲一本恭 奏謹臚列各官劣款事蹟爲我

皇上陳之 貪官二員 會同縣知縣鄧某 瀏陽縣教諭嚴某 此二官者或派索供應以婪賍或出入倉穀以肥已多用民夫賒取行戶更指文結而苛求且乘其原而勒詐士民騰怨穢劣彰聞所當請

百華職與有名蠹役一併從問究擬者也 不謹官三

員 淑浦縣典史宋某 宜章縣典史陳某 青岡驛

驛丞李某 罷軟官四員 興寧縣知縣段某 湘潭

縣知縣修某 桃源縣知縣李某 邵陽縣典史樊某

年老官三員 長沙府經歷楊某 辰州府經歷鍾某

錦岡司巡檢郝某 華容縣教諭歐陽某 興寧縣訓

導李某 東安縣訓導袁某 沅江縣訓導雷某 鄱

縣訓導陳某 新田縣訓導田某 武陵縣知縣林某

武陵縣縣丞范某 城陵磯巡檢鄒某 麻陽縣教諭

自台官書 卷三 奏疏 四十五年八法 卷三 襄策堂

舒某 桂陽縣訓導許某 嘉禾縣訓導李某 才力
不及官六員 辰州府通判李某 零陵縣知縣劉某
池蓬司巡檢張某 視渡口巡檢尉某 常德府教授
金某 善化縣訓導王某 浮躁官二員 新化縣典
史郝某 石陂司巡檢羅某 此二十員者或防範全
弛出入不忌或怠惰成性割斷由人或景邁衰頽或身
纏痼疾或質本疎庸而難策或習兼輕妄而多愆既干
入法之條難逃竊位之議臣謹具 題伏乞
皇上睿鑒勅下部院分別議處施行

謝蠲免四十三年以前未完錢糧疏

四十五年十

二月

爲

皇恩之疊沛無已小民之戴德靡涯額請代題恭謝
天恩事該臣看得湖南僻處荒徼地瘠民貧屢荷

皇仁蠲免錢糧已非一次今康熙四十五年地丁銀米
又沐恩綸特沛一槩蠲免舊欠未完者並停輸納早
已萬姓歡呼群情頂祝復蒙諭旨普頒將康熙四十

三年以前未完錢糧盡行蠲免臣准部咨隨即欽遵出

示併檄該司通行所屬通爲曉諭去後茲據布政使董
昭祥等詳據闕屬紳衿士民合詞公籲 題謝前來欽
惟我

皇上思同天地德邁唐虞宵旰維勤無時不以蒼黎爲
念昇平有象猶然不忘饑溺爲懷 曠典頻加

隆恩叠渙窮簷蔀屋群歌化日如春白叟黃童咸祝
聖人萬壽既據輿情籲請代 題臣不敢不據實

上聞臣謹具 題伏乞

皇上睿鑒施行

趙恭毅公自治官書卷之四目次

長沙何祖柱蒐輯

奏疏

迎軍二耗請照舊給發疏

題報起程迎駕疏

請將倉穀減糶疏

謝賜各物并報回署日期疏

謝會審田舜年一案從寬降罰疏

題曾壽兒因姦謀殺親夫招罪疏

題何子臣等誘拐牛妹嫁賣又打死范上榮之子
檀生保捏告招罪疏

題覆湖南米價騰貴疏

題李氏黑夜入茵竊菜被李雲臣殺死疏

請發行取程知縣赴楚與劣監質訊私派疏

題叅荆關同知翁年倫疏

題顏舉之砍死郭子賢招罪疏

題報臨湘災疫疏

題吳吉兒砍死林外慶招罪疏

題謝宗仕救父毆死大功兄減等疏

題叅五寨司田弘天抗不造冊疏

題歐春富因畧賣致死歐康先之女招罪疏

報懸匾事竣回署疏

存剩米價委難增添疏

叅貢生楊某濫派疏

題張氏等毆死鄧二甫招罪疏

題熊子政身死井中網縛手足疏

請將貢生南北分選疏

題叅辰谿縣濫派荒糧冊費疏

題叅吳某等互訐各情由疏

請以善化縣訓導移駐獄麓書院疏

報修獄工竣疏

請添設黃茅驛站疏

覆部駁黎大苟等行劫黎恩生疏

題叅茶陵州李牧濫借倉穀縱役逼死人命疏

題叅兵丁被苗拿陷諱匿職名疏

題何求毆死雷玉生招罪疏

題叅邊民被苗殺陷各案諱匿職名疏

題請將存貯南秋預撥兵米疏

恭進南嶽繪圖疏

題畱桂陽伍牧疏

題荆同知翁某多徵木稅疏

題曹吉人等致死竊牛賊曹子祥等三命招罪疏